

勅脩甘肅通志

第二十九册

卷之三十九

隱逸


卷之第四十

流寓

卷之第四十一

仙釋

方伎



甘肅通志卷之第三十九

隱逸

唐虞聖世亦有巢由巖穴之士脫屣浮榮甘心肥遯  
衡泌自適考槃寤歌高風亮節遺世獨立自古在昔  
先民有作未可沒也編次如左志隱逸

臨洮府

明顧敬字允恭蘭州人少聰穎秀拔涉經史尤長書  
法與段堅聊讓友善言動有儀晚年好學彌篤年八  
十卒有文稿

甘肅通志

卷三十九

隱逸

一

顏宗魯蘭州人性坦直不阿善書能詩文隱居自樂  
鄉評雅重

周詢金縣人辭榮棄祿隱居養親足以表正鄉閭  
馮庸字定之蘭州人敦德尚行通春秋博子史喜  
直草明代典章一一手錄成帙言談必根道義行檢  
必循禮度恬靜自守不求聞達人稱為博古君子云  
漢德金縣人隱居不仕絕跡名利尤遠避權勢鄉  
人以孤清高潔稱之

張九疇字天錫狄道人器宇宏偉動有矩矱杜門不

出絕口不言功名足跡不至公府探討經史從學者甚衆所著有五經考學庸節解拙齋文集

王伯良字志善蘭州人潛心禮義之學言動不苟取予必以義不妄交人不干謁貴顯有準庵集東山樵唱

鞏昌府

周伯夷叔齊孤竹君之二子當紂時兄弟遜國聞文王善養老乃入周就養及武王東伐紂扣馬而諫至周有天下伯夷叔齊恥之不食周粟隱於首陽山采薇

甘肅通志

卷三九

隱逸

二

而食餓死按曹大家注幽通賦云隴西首陽縣有首陽山邑人楊恩有首陽辨

漢任棠漢陽上邽人有奇節隱居教授漢陽太守龐參初到先候之棠不與言但以薤一大本水一盂置戶屏前自抱兒孫伏於戶下至簿白以為僂參思之良久曰棠是欲曉太守也水者欲吾清也拔大本薤者欲吾擊強宗也抱兒當戶欲吾開門恤孤也於是嘆息而還皆用其言為名太守

姜岐漢陽人守道隱居名著西州太守橋元欲召

爲吏岐稱疾不就元怒逼致之督郵尹益固爭得免  
岐卒堅卧不起

晉朱 冲字巨容南安人少有志行閑靜寡欲鄰人失  
犢認冲犢以歸後得犢大慙以還冲冲竟不受有牛  
犯其禾稼冲屢持芻送牛而無恨色主愧之乃不復  
爲暴咸寧四年詔補博士不應冲每聞徵書輒逃入  
山時人以爲梁管之流冲居夷俗羗人奉之若君冲  
亦以禮讓爲訓邑里化之道不拾遺村無凶人毒蟲  
猛獸皆不爲害

甘肅通志

卷三十九

隱逸

三

董 京字威輦初與隗西計吏俱至洛陽被髮行吟  
嘗宿白社中時乞於市得殘碎繪絮結以自覆或見  
人排辱曾無怒色孫楚時爲著作郎數就社中與語  
遂載與歸京不肯坐楚貽之書京答以詩後數年道  
去莫知所之

元萬敬儒寧遠人家貧嗜學不倦與人說書輒竟日樓  
止東郊畫水竹以自娛忽報朝使至抱琴踰垣而走  
不知所終

明王 輔安定諸生博極羣書應貢入京遂隱不出講

學於木坡諸生重跡往從之講論經史數十年不入城府縣令黃沂請爲鄉飲賓輔笑謝之至今鄉人稱儒者高蹈必以輔爲首

李文燦伏羗人洪武初舉人資性穎異夙學天成自負經書避兵石門數年乃還持身清苦以教人爲已任終身不仕

平涼府

漢王符字節信安定臨涇人少好學有志操與馬融張衡崔瑗等友善當途者更相薦引而符獨耿介不

甘肅通志

卷三十九

隱逸

四

同於俗以此不得升進志意蘊憤乃隱居著書三十餘篇以議當時失得不欲章顯其名故號曰潛夫論後度遼將軍皇甫規解官歸安定鄉人有爲鴈門太守者去職還家謁規臥不迎有頃白王符在門規驚遽而起衣不及帶屣履出迎援符手而還與同坐極歡時人爲之語曰徒見二千石不如一縫掖言書生道義之爲貴也

石得林安定人建安初客三輔就學於宿儒樂文博始精詩書後好學靜默關中亂南入漢中不治產業

不蓄妻孥常讀老子晝夜吟咏漢中破還長安人與  
不取問姓氏不言

唐牛意仁字行恭安定鶉觚人大父通秉志守道交辟  
不起仁樂道邱園屢空宴如或勸之仕但笑而不答  
開元六年卒於伏羌官舍以子仙客贈涇州刺史

宋樊處約崇信縣人建中靖國年進士文章氣誼爲當  
時第一流值亂隱居不仕或以仕強之約慨然曰我  
宋人也死且爲宋鬼忠臣豈事二主哉不食而卒人  
咸義之以方謝疊山

甘肅通志

卷三十九

隱逸

五

明孫一元字太初平涼人嘗棲太白之巔故號太白山  
人善爲詩風儀秀朗攜鐵笛鶴瓢遍遊中原齊魯南  
涉江淮吳越時劉麟以知府罷歸龍霓以僉事謝政  
並客湖州與郡人陸琨吳充招一元入社稱苕溪五  
隱舉人施侃勸之娶乃妻以妻之妹張氏生一女而  
卒充等葬之李夢陽有太白山人傳

直隸秦州

漢趙壹字元叔漢陽西縣人體貌魁梧望之甚偉而

恃才倨傲爲鄉黨所擯乃作解擯光和初舉郡上計

到京師時司徒袁逢受計計吏數百人皆拜伏庭中  
莫敢仰視壹獨長揖而已逢望而異之延置上坐因  
問西方事大悅顧謂坐中曰此人漢陽趙元叔也朝  
臣莫有過之者往造河南尹羊陟尚卧未起壹逕入  
上堂臨之因舉聲哭門下皆驚陟知其非常人乃起  
延與語大奇之陟明日大從車騎造壹時諸計吏多  
盛飾車馬帷幙而壹獨柴車草屣露宿其傍延陟前  
坐于車下陟遂與言談至暝夕極歡而去口良璞不  
剖必有泣血以相明者矣陟乃與袁逢共稱薦之名  
甘肅通志

卷三九

隱逸

六

勳京師及西還道經弘農過候太守皇甫規門者不  
卽通壹遂遁去規聞壹名大驚乃追書謝之壹報書  
遂去不顧州郡爭致禮命十辟公府並不就終於家  
著賦頌箴誄雜文十六篇

郭、整秦安人漢安帝順帝時公府八辟公車五徵  
皆不就世仰其高

晉楊

軻天水人易學精微養徒數百嘗食簋衣褐悠

然自得受業者非入室弟子莫得親言劉曜徵拜太

常固辭不起隱于隴山曜敗秦人東徙軻留長安石

季龍備束帛安車徵之軻以疾辭迺之乃發旣見不  
拜與語不言有司以軻倨傲請從大不敬論季龍不  
從下書任軻所尚軻在永昌季龍每有饋餼輒口授  
弟子使爲表謝其文甚美季龍乃密令美女夜以動  
之軻蕭然不顧遣壯士臨之以兵并劫其所賜衣服  
軻不言了無懼色嘗土牀布被下無茵褥頽川荀鋪  
好奇之士造而談經軻瞑目不答鋪發被露其形大  
笑之軻神體頽然無驚怒之狀時咸以爲焦先之徒  
未有能量其淺深也後求還季龍送以安車蒲輪蠲

甘肅通志

卷三十九

隱逸

七

十戶供之自歸秦州仍教授不絕

郭 荷字承休畧陽人也六世祖整及荷世以經學  
致位荷明究羣籍特善史書不應州郡之命張祚遣  
使者以安車束帛徵爲博士祭酒使者迫而致之及  
至畧太子友荷上疏乞還祚許之以安車蒲輪送還  
年八十四卒諡曰元德先生

明周 蕙字廷芳山丹衛人後徙家秦州年二十聽人  
講大學首章惕然感動始知讀書爲臨洮衛軍戍蘭

州聞段堅集諸儒講學時往聽之有聞卽服行久之

諸儒以爲畏友有疑與訂論焉遂殫心五經篤信力行爲一時學者之宗恭順侯吳瑾鎮陝欲聘爲子師固辭不赴或問之蕙曰吾軍士也名役則徃役若以爲師師豈可召哉瑾親送二子於其家以受教始納贄焉後隱居秦州之小泉因以爲號秦人感化其德西安李錦薛敬之咸執弟子禮嘗正冠婚喪祭之禮以示學者秦人至今遵之迨老以父遊江南訪之沒於揚子江人皆稱其孝而悲其死云

文 蔚秦州人萬曆間武進士精韜畧識天文高卧

甘肅通志

卷三十九

隱逸

八

不仕秦王聞其賢聘見語竟日嘆爲天下奇士尋辭歸終日靜坐斗室經畧張鄂序征蜀庭臣薦其才強起參軍務蔚至蜀出奇制勝數窘賊夜觀天象忽曰無以戰也不三日敵必歸命果如言捷上詔勅賜蔚指揮劄固辭後有人與蔚善詢之曰明祚盡矣後人始嘆以爲神

雍康年字安夫清水學生以詩禮繼先傳篤經史不樂仕進追崇孝行修復古制建先祠立宗法制祭田修家塾躬行文公四禮教訓宗族表率閭里著族約

會則家鄉禮要二書刊布之鄉人尊爲敦禮先生

直隸階州

明龍 正階州人幼英敏過人精於易學遇金牌道人傳授六壬占驗多應正德壬申蜀寇猖獗都御史召之贊畫每戰多捷番夷入寇總督聘居帷幄出奇數勝欲授以官不受奏賜金帛冠帶後總督楊張鄧徵聘皆不就所著有八陣圖太乙成局奇門集要六壬書

直隸肅州

甘肅通志

卷三十九

隱逸

九

漢侯 瑾字子瑜敦煌人少孤貧依宗人居性篤學恒傭作爲資暮還輒燃柴讀書居恒以禮自牧獨處一室如對嚴師州郡累召公車辭疾不就作矯世論議刺當時隱居山中殫思著述作應賓難以自寄又按漢記撰中興以後行事爲皇德傳三十篇行於世餘作新文數十篇多亡失西河人重其才品不敢名稱爲侯君云

晉宋

織字令艾敦煌人少有遠操沉靖不與世交隱

居於酒泉南山明究經緯弟子受業三千餘人不應

州郡辟命惟與陰顯齊好友善張祚時太守楊宜畫  
其像於閣上出入視之酒泉太守馬岌造焉拒而不  
見岌銘詩於石壁曰丹崖百丈青壁萬尋奇木翦蔚  
鬱若鄧林其人如玉惟國之琛室邇人遐實勞我心  
織注論語及爲詩頌萬言年八十篤學不倦謚曰元  
虛先生

汜 騰字無忌敦煌人惠帝時舉孝廉爲郎中屬天  
下兵亂去官還家太守張闕造之閉門不見饋遺無  
所受散家財五十萬以施宗族柴門灌園琴書自適

甘肅通志

卷三十九

隱逸

十

張軌徵之爲府司馬騰曰門一杜其可開乎固辭

郭 瑀字元瑜敦煌人少有操行東遊張掖師事郭  
荷盡傳其業精通經義雅辨談論多才藝善屬文荷  
卒瑀服斬衰廬墓三年禮畢隱於臨松薤谷鑿石窟  
而居服栢實以輕身作春秋墨說孝經錯緯弟子千  
餘人

索 統字叔徹敦煌人少遊京師受業太學博綜經  
籍遂爲通儒明陰陽天文善術數占候司徒辟除郎

中以避亂歸凡所占夢靡不驗太守陰澹從求占書

統曰昔入太學因一父老爲主人其人無所不知有似隱者統因從父老問占夢之術審測而說實無書也澹命爲西閣祭酒統辭曰少無山林之操遊學京師交結時賢希申鄙藝今中國不靖欲養志終年老亦至矣不求聞達又少不習勤老無吏幹濛汜之年弗敢聞命澹以束帛禮之月致羊酒年七十五卒於家

甘肅通志卷之第三十九

終

甘肅通志

卷三十九

隱逸

十一

甘肅通志卷之第四十

流寓

名賢高士過都越國旅寓棲遲或因事羈留竟至畢世足蹟所經山林生色遺風流韻後人景仰爰紀姓名以資觀覽志流寓

臨洮府

明徐蘭字與善浙江開化人洪武初任邵陽知縣諱戍蘭州衛復舉國子助教調崇仁縣丞永樂元年聘典京闈鄉試致仕復歸於蘭尋又南還卒著有書經

甘肅通志

卷四十

流寓

體要

解縉字大紳江西吉水人洪武二十一年進士授庶吉士上封事萬言論時政剴切上數稱其才諸大臣皆忌之上慰諭賜鉅遣歸令讀書十年後來用後因有司劾縉違詔奔喪謫河州衛吏後召爲翰林待詔永樂二年擢右春坊大學士

耿復初字明善合肥人性聰敏博通經史尤敦孝友元末歸附李文忠廉其賢授中書省使居於杭洪武

間謫戍蘭州衛二年母尚留杭不遠萬里迎母就養

讀書課子造次顛沛守仁義如一日嘗玩易至節之  
六四嘆曰宜退而進殃也可止而止無咎自號安節  
老人年八十而卒

謝 圓字友規浙江四明人洪武中以事謫臨洮爲  
府學掾學富才敏文雅而思深受知當道郡弟子員  
皆從之登第者甚衆尋以例釋歸

丁 晉字希敏江南崑山人洪武中謫戍莊浪衛永  
樂中被選爲肅府儀衛司校尉性鯁介明醫術善吟  
咏尤精於畫所著有樵雲集

甘肅通志

卷四十

流寓

二

沈 繹字成章江南吳縣人洪武間謫戍蘭州衛精  
醫道敦志節善琴書所著有醫方集要平治活法繪  
素集芝軒餘興

潘若水江西人爲翰林待詔以事充吏於西寧往來  
於蘭與沈丁輩遊善詩爲蘭士大夫所重

楊志善浙江杭州人遷河東鹽運司洪武間謫戍蘭  
州衛善屬文不事生產與沈繹丁晉善齒德爲人所  
重號稱金城三老

田 中北直蠡縣人由進士任錢塘知縣洪武間謫

成肅府儀衛司校尉性醇厚尙古朴治家嚴肅人皆稱之

陳質字太素江西廣信人洪武間諳戍蘭州衛精醫術善吟咏自少至老好學不倦有瓦甌集

游堅字文固應天府人在山東道監察御史永樂間諳戍河西因寓於蘭有文翰存

董可善字在道浙江四明人敦德力學教人有法徐蘭爲記城南書塾士林重之

慶陽府

甘肅通志

卷四十

流寓

三

漢馬嚴字威卿扶風茂陵人嚴少孤從平原楊太伯講學能通春秋左氏弟敦字孺卿亦知名援卒後嚴乃與敦俱歸安陵居鉅下三輔稱其義行號鉅下二卿明德皇后旣立嚴乃閉門自守猶復慮致譏嫌遂復更徙北地斷絕賓客永平十五年皇后勅使移居洛陽

明張珩山西石州人正德辛巳進士由御史歷陞延寧巡撫總督三邊清直不阿權貴陞戶部尙書未及

任以延綏失利諫戍慶陽七年教授生徒講論道德

一時俊髦咸出門下所著有南川錄並文集奏議  
性文山人不知何許人蓬頭垢面嗜酒善飲詩不構  
思百首立就字亦奇有贈衣者卽裂而披之囊金不  
匱莫知所從來凡二十餘年死葬長安

甘州府

明劉 薦字士端誠意伯基之孫江西參政璉之子洪  
武二十三年襲封明年坐事貶秩歸里築室鷄山下  
命曰盤谷丁丑譴戍甘肅尋赦還建文帝及成祖皆  
欲用之以奉親守墓力辭永樂年卒於家著有盤谷  
甘肅通志

卷四十

流寓

四

集十卷盤谷倡和集二卷

郭 登字元登武定侯英諸孫也正統七年從王驥  
征木麓川九年從沐斌征騰衝功皆最土木之難以  
都督僉事守大同上皇至城下登俾謝却之景泰元  
年大戰栲栳山有功封定襄伯上皇復辟謫戍甘肅  
成化初復爵卒贈侯諡忠武李東陽嘗謂武臣能詩  
者莫過郭定襄有聯珠集二十二卷行世

艾 穆字純卿湖廣舉人爲刑部郎諫張君正奪情

言切直謫戍甘肅嘗遊終南山水間與一時詞人結

社賦詩

張慎言字金銘山西陽城人萬曆庚戌進士爲曹縣令有惠政擢御史天啟時以直言忤魏忠賢謫戍甘肅明末復職歷官南京吏部尙書

涼州府

漢馬援字文淵扶風茂陵人少孤有大志諸兄竒之後爲郡督郵送囚至司命府囚有重罪援哀而縱之遂亡命北地遇赦因留牧畜賓客多歸附者遂役屬數百家轉遊隴漢間嘗曰丈夫爲志窮且益堅老當

甘肅通志

卷四十

流寓

五

益壯王莽敗復避地涼州世祖卽位歸漢爲新息侯拜伏波將軍建初三年謚曰忠成侯

劉般字伯興宣帝之元孫般數歲而孤獨與母居

王莽敗更始卽位般奔長安會更始敗與般西行上隴遂至武威般雖年少而篤志修行講誦不怠其母及諸舅以爲身寄絕域死生未必不宜苦精若此般終不改其業建武八年隗囂敗河西始通般將家屬至洛陽封蕃邱侯

晉司馬順字子思宣帝弟魏安城亭侯通之子也初封

習陽亭侯及武帝受禪順歎曰事乖唐虞而假爲禪  
名遂悲泣由是廢黜徙武威始臧縣雖受罪流放守  
意不移而卒

魏常 爽河內人寓涼州不受禮命魏主以爲宣威將  
軍爽置館於溫水之右教授七百餘人弟子事之如  
嚴君由是儒風始振

明河西備不知何許人建文四年六月燕兵入京城備  
被葛衣走其冬至金城行乞市中邊地極寒備常衣  
葛明年至河西依莊浪魯家爲備取備值買羊裘披

甘肅通志

卷四十

流寓

六

之夏或衣新布衣皆以故葛衣覆其上葛衣破縷縷  
或勸棄之終不可錢稍餘輒市酒肉與諸乞兒飲食  
力作倦自吟哦或夜聞其哭聲永樂中有京朝官至  
莊浪識備欲與語備走南山避之旬月京朝官去乃  
還在莊浪數年病且死呼主人囑曰我死勿殮我西  
北風起火我勿埋我骨魯家從其言今建有葛衣先  
生祠

湯 肅壽州人官御史弘治三年上疏劾萬安劉吉  
尹直下詔獄坐妖言罪死刑部侍郎彭韶辭不判徐

溥力言不可使朝廷有殺諫臣名獲免霽請戍河西  
包 節字蒙泉江南吳縣人嘉靖間御史參劾逆璫  
擅作威福謫戍莊浪衛以章句訓童子以給衣食有  
時賦詩既病篤手書寄弟包孝善事母衣以斬衰曰  
少申罔極之恩所著有涅中稿

徐文彪上虞人武廟時以布衣徵值璫瑾亂政卽于  
廷中指爲弘恭石顯極詆其惡瑾怒下獄廷杖謫戍  
鎮番衛

寧夏府

甘肅通志

卷四十

流寓

七

晉周 焯字孟威晉益州刺史建城定公周楚之孫爲  
梓潼太守寧康元年苻秦將楊安攻梓潼焯固守涪  
城遣步騎數千送母妻自漢水趨江陵秦秘書監朱  
彤邀而獲之焯遂降於安秦王堅欲用爲尙書郎焯  
曰蒙晉厚恩但老母見獲失節於此母子獲全秦之  
惠也雖公侯之貴不以爲榮况郎任乎太平元年徙  
之於朔方之北後竟卒於朔方

隋柳 彧字幼文河東解人仕治書御史正色立朝百  
僚皆敬憚之後爲楊素所忌坐罪除名徙配朔方懷

遠鎮

明阮 彧字景文錢塘人任兵科給事中其同母弟誼  
謫戍寧夏未及行而卒遂以彧代戍永樂元年以薦  
者言釋於戍所復其官工吟咏尤長於駢體

陳 矩字善方江西廬陵人洪武初第進士以戶部  
主事謫戍寧夏後復官湖廣江陵知縣

直隸秦州

漢申屠剛字巨卿扶風茂陵人性方直任郡功曹舉賢  
良方正對策罷歸田里莽篡位遂避地河西隗囂據

甘肅通志

卷四十

流寓

八

隴右欲背漢而附公孫述剛說曰人所歸者天所與  
人所攜者天所去將軍孤立一隅宜推誠奉順上應  
天心下嚮人望爲國立功可以永年囂不納建武七  
年徵拜侍御史遷尙書令

鄭 興字少穎河南開封人少學春秋學者師之更

始拜興諫議大夫涼州刺史使安集關西及朔方涼  
益三州會天水反者攻殺郡守興坐免赤眉入關東  
道不通乃西歸隗囂囂虛心禮待而興恥爲之屈稱  
疾不起聞囂稱王說囂不可囂乃止建武六年侍御

史杜林先與興同寓隴右乃薦興執義堅固敦說詩書徵爲大中大夫後坐事左轉蓮勺令興好古學尤明左氏世傳左氏者多祖興興去蓮勺後三公連辟不就卒於家

馬融字季長扶風茂陵人美辭貌有俊才博通經籍永初二年大將軍鄧騭聞融名名爲舍人不應命客于涼州武都漢陽界中後會邊方擾亂自關以西米穀踴貴道殣相望融旣饑困乃應騭召拜校書郎班彪字叔皮扶風安陵人更始敗三輔大亂隗囂

甘肅通志

卷四十

流寓

九

擁衆天水彪避難從之囂問彪曰往者周亡戰國並爭意縱橫之事復起于今乎對曰周之廢興與漢殊異方今帶州域者無七國之資而百姓謳吟思仰漢德乃著王命論以感之而囂終不悟遂辟地河西河西大將軍竇融以爲從事彪爲畫策事漢融還京師召彪入見舉茂才拜徐令

杜林字伯山扶風茂陵人博洽多聞時稱通儒初爲郡吏王莽敗盜賊起林與弟成及同郡范滂等俱客河西隗囂素聞林志節深相敬待以爲持書平以

疾辭去鷺復強起遂稱篤鷺乃出今日杜伯山天子所不能臣諸侯所不能友今且從師友之位須道開通使順所志林終不屈節光武徵拜侍御史問以經書故舊及西州事賜車馬衣被羣寮知林以名德用甚尊憚之林於西州得漆書古文尚書一卷嘗寶愛之雖遭艱困握持不離身出以示衛宏等於是古文遂行後爲光祿勳大司空

任 延字長孫南陽宛人年十二爲諸生學于長安顯名太學學中號爲任聖童值倉卒避兵之隴西隗

甘肅通志

卷四十 流寓

十

囂已據四郡遣使請延延不應更始元年以延爲大司馬屬拜會稽都尉時年十九時避亂江南者皆未還中土會稽頗稱多士延到皆聘請高行如董子儀嚴子陵等待以師友之禮掾吏貧者分祿給之賢士大夫爭往宦焉建武初徵爲九真太守九真吏人生爲立祠

唐杜 甫杜陵人字子美審言孫少貧不自振客吳越齊趙間李邕竒其材先往見之舉進士不中第困長

安天寶十三載獻賦授右衛率府胄曹參軍祿山亂

走鳳翔謁肅宗拜右拾遺出爲華州司功參軍關輔  
饑弃官客秦州寓居東柯谷結草堂草堂之中有泉  
焉人稱爲子美泉負薪拾橡栗自給其後往來栗亭  
同谷間今栗亭同谷俱有草堂遺蹟後流落劔南節  
度使嚴武表爲參謀檢校工部員外郎

明李天成莊浪人天啟甲子舉人隱居秦州仙人崖安  
貧樂志蕭然箕穎之風

朱新靖山西舉人闖賊逆變避跡秦州麥積山詩酒  
自適日逍遙于松泉間以終其身

甘肅通志

卷四十

流寓

十一

直隸肅州

明岳

正字季方順天灤縣人正統十三年進士及第

官修撰天順初以原官入閣言石亨曹吉祥權太重

恐久不可制又言尙書陳汝言小人時命正視草歷

數弊政亨吉祥構蜚語謂正賣直訥上謫欽州同知

道鄒以母老暫留汝言嗾校言狀逮繫詔獄杖百戔

肅州亨吉祥誅起原官直經筵出爲興化知府築隄

溉田數千頃節縮浮費預備倉儲卿士大夫不利騰

謗成化五年入覲致仕嘉靖中追贈太常寺卿諡文

劉大夏字時雍湖廣華容人天順八年進士除兵部郎宿弊盡革遷福建參政廣東布政移浙江皆以政績聞治河張秋疏上流築長隄水乃大治理宣府兵餉儲積充羨總制兩廣令行盜息民安召拜兵部尚書條上當興革十六事再陳兵政十害武宗嗣位乞歸加銜馳驛大夏忠誠懇篤忘身殉國見疾權倖劉瑾假田州岑猛事欲坐以激變李東陽力解乃戍肅州大夏徒步荷戈至大明門下叩首而去觀者塞路

甘肅通志

卷四十

流寓

士

歎息泣下父老攜筐進食所至罷市焚香祝其生還至戍所儒學生徒傳食之遇團操荷戈就伍五年赦歸八年瑾誅復官致仕教子孫力田謀食稍餘散之宗族預自爲壙志卒年八十一贈太保諡忠宣所居東山草堂僅數楹天下稱東山先生

趙逐仙邑里名字未詳原任太常卿弘治初謫戍肅州陶諧有訪趙逐仙之作

潘 魴號愚叟原任刑部尚書以忤逆瑾謫戍肅州

陶 諧號南川原任給事中以太逆瑾謫戍肅州後

起官爲兵部侍郎總制兩廣

姜道淵原任蘭州知州不知何名道淵其字也正德  
間李高廵按河西時適涼州人徐謙任蘭州參將與  
姜相構李因劾徐謙徐乃逆瑾黨瑾力爲內庇遂逮  
治李與邊備副使張天衢及道淵俱謫戍肅州

甘肅通志卷之第四十 終

甘肅通志

卷四十

流寓

十三

甘肅通志卷之第四十一

仙釋方伎

羽流縑素宿植靈根養道林泉棲心物外餐芝吸露  
息盡塵機勸善戒惡有裨世教至於方伎之士或醫  
藥治疾或卜筮指迷皆有益於民生均當傳其姓氏  
毋令湮沒不彰志仙釋方伎

仙釋

上古廣成子昇仙記云混沌開闢有廣成子先天地而  
生後天地而終在崆峒之上修真養道黃帝徃見之

甘肅通志

卷四十一

仙釋方伎

一

問以治身之道答曰至道之精窈窕冥冥至道之極  
昏昏默默無視無聽抱神以靜形將自正必靜必清  
無勞爾形無搖爾精乃可長生慎內閉外多知爲敗  
我守其一以處其和故千三百歲而形未嘗衰黃帝  
再拜稽首今崆峒山有廣成子洞爲神仙之奧宅人  
跡所罕到

漢盧真人秦州人號鐵馬大仙漢時與成紀令觀燈廣  
陵飛騰俄頃今玉泉觀有仙室遺跡

魏封 衛隴西東鄉人幼學道術服黃連五十年入山

採藥百餘年復還鄉里如二十者常乘青牛故號青牛道士聞有病死者輒探腰間竹管中與服之立應魏武帝召問養生大畧衡曰減思慮節飲食著有養氣法衛生經數十餘卷

晉石 垣字洪孫居無定所不娶婦不營產業食不求美衣必粗敝或遺之衣受而施人人有喪葬輒杖策弔之路無遠近時無寒暑必在其中或同日其時人咸見焉又能閭中取物如晝無差姚萇之亂不知所終

甘肅通志

卷四十一

仙釋

二

檀時師名惠豐居涼州飲酒啖肉語默無常逆論來事後皆如言

法 成涼州人十六出家學經律不餌五穀唯食慈脂居山岩穴習禪後有小疾乃告人曰我死矣明日合掌而卒

曇無讖北京沮渠世於姑臧譯大方等集經三十卷  
慧 嵩北京沮渠時與曇無讖於姑臧譯大般若涅槃經四十卷

曇 霍禿髮停檀時從河南來持一錫杖令人跪曰

此波若眼奉之可得道或遣之衣服受而投之河後  
日以還其主衣無所汙行步如風雲言人死生貴賤  
無毫釐之差或藏其杖曇霍輒閉目須臾起而取之  
咸竒其神異莫能測也

法護月支人年八歲出家隨師至西域諸國遂曉  
外國語其餘三十六種亦無不曉晉武帝末隱居深  
山山有清泉恒取澡漱後有樵者穢其水側俄頃水  
涸護徘徊嘆曰人之無德清泉流輟水若永竭無以  
自給我當移去耳言訖而清泉涌出滿澗

甘肅通志

卷四十一

仙釋

三

單道開敦煌人常衣麤褐不畏寒暑晝夜不卧恒服  
細石子一吞數枚好山居山樹諸神見異形試之初

無懼色石季龍時從西平來一日行七百里其一沙

彌年十四行亦及之至秦州表送到鄴季龍令佛圖

澄與語不能屈也季龍資給甚厚道開皆以施人人

或來問者都不答佛圖澄曰此道士觀國興衰若去

者當有大亂及季龍末道開南渡許昌尋而鄴中大

亂後至南海入羅浮山年百餘歲卒勅弟子置屍石

穴中陳郡袁宏爲南海太守登羅浮山至石室見道

開形骸如生香火瓦器猶存曰法師業行殊羣正當如蟬蛻耳

王嘉字子年隴西安陽人外醜形貌而聰睿內明滑稽語笑不食五穀清虛服氣不與世人交遊隱於東陽谷鑿崖穴居弟子亦穴處石季龍之末隱於終南山苻堅累徵不起公侯已下咸躬往參詣問其當世事者皆好爲譬喻狀如戲調言未然之事辭如讖記事過皆驗堅將南征遣使問之嘉乃乘使者馬正衣冠東行數百步而策馬馳返脫衣服棄冠履而歸

甘肅通志

卷四十一 仙釋

四

下馬踞牀一無所言使者還告堅不悟復遣問世祚云何嘉曰未央咸以爲吉明年癸未敗于淮南所謂未年有殃也人候之者不至心則隱形不見衣服在架履杖猶存或欲取其衣者跂而取之衣架踰高而屋亦不大履杖諸物亦如之姚萇入長安與苻登相持問嘉曰吾得殺苻登否嘉曰略得之萇怒曰得當云得何略之有遂斬之先此釋道安謂嘉曰世故方殷可以行矣嘉答曰卿其先行吾負債未果去俄而

道安亡至是而嘉戮死所謂負債者也萇子興字子

略方殺登略得之謂也嘉之死日人有隴上見之

曇猷或云法猷敦煌人少苦行習禪定後遊江左  
太元中有妖星現帝普下諸國有德沙門精勤佛事  
令懺禳災猷乃祈誠冥感至六日旦見青衣小兒來  
悔過云構勞法師是夕星退太和末卒于天台石室  
舉體綠色其後人入山登巖見猷屍不朽

妙道真人王本豫景留人世居三河年八十有五鶴  
髮童顏行不策杖忽名弟子曰吾將逝矣於是齋戒  
沐浴端坐談笑頌曰勞苦生涯蕭條活計九九餘年

甘肅通志

卷四十一

仙釋

五

超凡脫世頌畢而化時中統建元初

齊元 暢狄道人少爲寇獲其師曰此兒目光外射非  
凡童也遂釋乃往涼州出家復避於揚州洞曉經律  
深入禪要占記吉凶無不驗遊成都止大石寺入齊  
後山結草爲庵弟子見神人乘馬繞山一匝指示造  
塔之處乃建塔焉齊太子遣使徵迎曰吾數盡矣至  
京而卒

北周無名僧武帝天和二年勅爲夏州三藏尋欲官之  
冢宰宇文護以書勉之答以收迹岩中攝心塵外此

本志也安能憤憤久住閭浮地乎因著寶人銘曰法  
界中有如意寶人焉緘其身銘其膺曰多知多事不  
如息意多慮多失不如守一慮多志散知多心亂心  
亂生惱志散妨道英賢才藝是爲愚蔽

梁寶 誌金城狄道人七歲出家長修禪業止江東道  
林寺言若識記或一身三處宿梁武帝卽位下詔誌  
公神遊冥寂勿禁出入嘗與白鶴道人爭得潛山麓  
武帝以二人俱靈通各以物識其地已而鶴飛去至  
麓忽聞空中錫聲遂卓於山麓鶴止他所皇子生誌  
甘肅通志 仙釋  
卷四十一 六  
曰寃家亦生後知與侯景同日生天監十三年無疾  
而終累代加號道林眞覺禪師

唐佛光道悟姓寇氏蘭州人生而有齒年十六自欲出  
家父母不聽數日不食乃許之後二年自臨洮歸灣  
子店夜夢梵僧喚覺聞馬嘶豁然大悟將遊諸方鄉  
人求頌有水流須到海鶴出白雲頭之句至熊耳果  
遇白雲禪師海公先是人問海何不擇法嗣亦有芝  
蘭秀發獨出西秦之語此師至夜聞空中有言來日  
接郭相公黎明海呼僧令持香花接我關西弟子詩

乃唐郭子儀建旣至一言相契徑付衣鉢寺前常有  
剽而殺人者來告急師呼衆擒之曰卽汝是賊尋得  
其巢穴衆請命師論釋之其後路不拾遺或以師前  
身爲汾陽王云泰和五年結屐於臨洮之大勢寺開  
圓覺經一日早盥漱卑呼侍者曰我病也尋藥去侍  
者足未及門師已卧遊方丈有五色雲如寶蓋中有  
紅光如日者三年五十有五

殷道筌不知何許人亦不測其年壽行遊天下無常  
名自稱七七賣藥涇州時病疫甚多得藥卽愈驚爲

甘肅通志

卷四十一

仙釋

七

神所酬錢輒施於人周寶先於長安識之尋爲涇州  
節度延之禮重

雷 牛成紀人煉丹于長道縣之南山唐明皇時宮  
中有疾召至長安調治卽愈封雷王今山上藥白尙  
存有古槐一株液出似酒飲之去病人謂雷峯仙酒  
劉道通學仙術居嶺州金蓮洞修煉兼曉符籙法治  
病效至德間元帥田守璋薦賜號曰清淨真人

惠 卍嶽州人幼出家通經律文宗召至京師授榮

祿大夫司徒銀卍賜號眞惠國師

僧伽大師西域人姓何唐龍朔初遊方至泗州臨淮縣建寺頗示神異景龍二年中宗遣使迎入尊爲國師頂上有一穴以絮窒之夜則去絮香從穴中出非常芬馥及曉香還頂中仍以絮窒之師嘗濯足人取其水飲之痼疾皆愈時京邑無雨師將瓶水汎洒俄頃陰雲驟起甘雨大降中宗大喜詔賜所修寺額爲普光王寺御筆親書至四年三月二日端坐而終

喬真人

郭真人俱雪山鳳林人同遇呂仙示以神仙之道修煉之方排五色石以象五行後期年復遇

甘肅通志

卷四十一

仙釋

八

仍各賜火棗令食之遺烏兔海蟾四字了然頓悟能見吉凶知禍福後昇化於玉泉觀有碑記

詹道人慶陽羣牧所軍採藥賀蘭山陰遇神人授學久之悟出言成文唱咏有佳趣修復普照寺人從牖窺見護法泥神起立聽道人計畫明日緣事應答如響工竣辭官民告去異日坐化有人從數百里來見道人南去相與立語莫知其終

宋秦志通李志亨俱金縣人自幼聰敏能讀書卽知慕

道兩人各相規勉元宗內外二典無不精研得遇太

虛真人授以金液大丹五行生尅七返九還之道遂  
端心烹煉數足功完於政和二年白日拔宅昇天今  
興龍山乃遊覽處清虛觀其故里也

徐神翁鎮原人修煉飛昇之術居潛夫山今山後有  
神翁洞嘗遺詩數首後宋南渡翁口占絕句送高宗  
卒如其言

宋披雲宋時人少遊大梁後訪道入陝至於太白山  
五陵遇純陽真人授以金丹了道於崆峒山著書行  
世號披雲真人

甘肅通志

卷四十一

仙釋

九

朱友祥符間人修真養性于回山西真宮數年絕  
煙火粒食餐松栢葉以爲常行履如飛世傳其得道  
後隱太和山不知所終

元澄陽真人姓何氏枹罕人生有仙風道骨弱齡卽慕  
道一日汲水遇異人就飲一見竒之相與言方外事  
咸解悟隱顯林中動有金光覆映至正三年五月十  
四日雙鶴來空彩雲繞室須臾飛昇今城西有大隱  
庵

程守善素有道行居萬壽觀內有槐僵死二十餘年

守善居此其槐復蘇枝葉暢茂咸以爲異常應召賜  
號通真子

馮真人修煉總真觀有道術凡祈晴禱雨靡不驗有  
一石枕黃潤似玉人有疾者以枕捫之卽愈

黃居士元時人家巨富好道棄家入崆峒不與人交  
接一日感純陽真人得修道口訣持煉子飲月華午  
餐日精後蟬蛻而化

梁誌通山西介休人號達元子生至元丙子間慕道  
來秦終於玉泉觀時或遇之長安灞橋與使客傳鑰

甘肅通志

卷四十一

仙釋

十

封烟霞無爲真人

趙野雲元季道士自號趙野雲由慶陽來簪栢朶插  
佑德觀中條不見竟成參霄之材人以爲神翁復來  
云有碑

明張三丰遼東懿州人名全一一名君寶三丰其號也  
以其不修邊幅又號張邈邈頎而偉大耳脩髯一袖  
一簣所啖升斗輒盡或數月不食或處窮山或遊市  
井能一日千里嬉笑諧謔旁若無人洪武初居武當

山中二十三年雲遊長安繼至隴上遍遊多方冬春

不履又號赤脚張常寓岷州楊永吉家遺一小鼓雖擊大鑪莫能混音成祖遣官于四方尋訪未見封通微顯化真人又平涼紫極觀道士朱元貞修築道院塑雲房純陽留侯洎三丰像於中獨三丰像結胎已就不能肖忽一日有羽衣至蒲團杖履蕭然塵外散步道院見未成像問之元貞對以故羽衣曰此何難知吾嘗會其人於崆峒西崖其人身可七尺餘面目頗偉長鬚修眉彷彿與貧道同然坐位如此有所未安元貞問故曰雲房純陽皆師也可並坐乎衆然之

甘肅通志

卷四十一 仙釋

十一

工人依其言經營出像少焉羽衣竟失所在乃知三丰示現也洪武二十四年雲遊甘州寓張指揮家寓十年去莫知所之舍之老嫗嘗伺其出竊葫蘆藥一丸嚼之三丰歸覺謂嫗曰汝竊食此藥益壽太多柰所享不繼後嫗壽百餘舍內嘗遺中袖一葫蘆一居人患疫者借中袖覆之卽愈童稚患瘡疾者翦少許貼服之卽愈天順中鎮守甘肅總兵王敬患中滿疾火在中袖節服之遂愈成化初定西侯蔣琬會宴守

臣以葫蘆搬三度雜劇其葫蘆卽席自碎

慧 遼肅州人姓劉名宰和自幼出家爲僧洪武間遊至涼州閉關靜坐一日謂涼州人曰明日肅州遭水患吾當救之明寅西向已時至肅討來河水漲泛勢將逼城慧達至西峰離城一里許用手一指水向北潰遂不近城因遂圓寂於此建有寺塔人以手跡崖爲古跡

白雲道人俗姓黃洪永間嘗依於涼州魯氏人莫測其跡夏坐烈日中毫無汗濕冬立風雪煖氣如蒸與之食則食不與亦不食問其事悶悶不答否則以隱

甘肅通志

卷四十一

仙釋

三

語一二示之其林咎立見年九十九立化

瑞竹領占狄道人姓石氏自幼爲本郡寶塔寺僧永樂四年以屢使絕域宣布王化功陞蘇州府僧綱司都綱二十一年奉命招降陞僧錄司右闡教二十二年陞左善世賜誥命金圖書服器宣德元年陞灌頂圓妙廣智大國師二年奉使烏思藏公幹陞號清修靜覺崇善慈應輔教闡範灌頂圓妙廣智大國師八年正月內圓寂天順七年追封西天佛子成化二十

二年追封大敏法王

賀蘭二老洪武二十七年中禱人張秋童入賀蘭山  
伐木見二老坐石上問曰秋童何爲對曰伐木二老  
乃呼秋童與錢盈掬童歸尋往視之則二老莫知所  
之其錢猶存

孫碧雲馮翊人幼卽慕道年十三入華山明太祖召  
赴京與語甚悅所賜之物辭不受肅莊王迎居金天  
觀環室接引徒衆語多奧旨後還少華山永樂中賜  
號虛宣子年七十三羽化於武當山

邵道人蜀人至慶陽年七十餘道人嘗不言凡所欲

甘肅通志

卷四十一

仙釋

三

言頤指色授館于鐘樓街築土被衲無晝夜露坐郡  
中子弟爭禮事之能治病令病者張目噓氣卽可活  
居十餘年一日謂諸弟子曰吾將逝矣時夜半崖脊  
隱隱有霹靂聲若金戈鐵馬狀諸弟子震懾伏地天  
明起眎則道人死矣

清 然河南通許人自幼爲僧戒行精嚴正德初遊  
入合水子午山樂其地僻人樸遂久隱焉常修環山  
寺及興教寺或謂其得黃白術云

如和尚不知何許人身軀頗偉髡首銅箍破衲跣足

神光煥發每遊靜寧州市間無定處值暑則寒氣逼人嚴冬則裸體仆雪或入冰水以浴終日常笑了無一言人問齋否則點首與之食一飯斗米時人呼爲如瓜子云一日忽號於市曰我去也我去也連號數日羣小兒尾之乃跌跣端坐而化衆白于州牧建塔龕焉會萬曆間天旱詭傳塔中有聲衆怪之乃以火焚後聞有遇於蜀者

趙 仙美姿容善談論周濟貧乏施財不置然入其室無他囊囊衾枕而已慶陽人咸怪之稱爲趙仙時

甘肅通志

卷四十一

仙釋

十四

兵部侍郎陳震方爲諸生聞而往見未至趙避去謂主人曰明日慶陽陳生來善待之勿令入吾室震至不見趙求入其室而返明日趙至恚曰吾囑汝勿令陳入吾室乃令入焉吾弗可以居矣遂辭主人而行素厚者挽留之不可竟莫知所之

樊 讓階州所舍人幼博羣書工于詞翰常雲遊遇異人授竒門遁法及吐納之術年九十二無疾作贊而逝詞曰九九之九元門立久混合乾坤斡旋星斗保精氣以息神思無中而生有無無無天地原來一

虛窟有有有天地能長而且久吾今返本含真道朗  
朗明明元不朽喫赤身無罣碍飛上白雲頭

牧羊女成化間不知姓氏誓不適人每入山牧羊念  
佛一聲拾羊糞一粒投於罾井數十年山谷坑塹處  
盡爲念佛所投之糞粒一日口吐青氣若蓮花之狀  
端坐而逝鄉人遂於涼州南關廂建閣移其身飾以  
泥至今稱爲肉身菩薩

扒沙梵僧僧焚修於扒沙寺夷目供養已久明萬曆  
二十六年田樂達雲恢復松山驅丙吉入寺見僧端

甘肅通志

卷四十一

仙釋

五

坐令斬之血出如乳操刃者立斃後改扒沙爲大靖  
屢被回祿卜者以爲枉殺高僧之故乃立祠塑像火  
災遂息像存有碑記其事

張 清肅州中右所人行履篤實寡言笑好誦經靜  
坐瞑目後年六十餘隱於寺至七十常言未來事人  
問何以先知清曰夜有夢故先知當時以爲神異及  
卒人塑其像於文殊寺側

上古岐伯北地人生而神明精醫術通脈理黃帝以師事之有素問難經行於世

漢楊子阿成紀人善相馬馬援傳援好騎善別名馬於交阯得銅乃鑄爲馬式還土之因表曰近世有西河子輿亦明相法子輿傳西河儀長孺長孺傳茂陵丁君都君都傳成紀楊子阿臣援嘗師事子阿受相馬骨法考之於行事輒有驗效

晉郭 磨西平人少明式易仕郡主簿張天錫末年苻甘肅通志

卷四十一

方伎

七

氏每有西伐之問太守趙凝使磨筮之磨曰若郡內二月十五日失囚者東軍當至涼祚必終凝乃申約屬縣至十五日鮮卑折掘送馬於凝凝怒其非驗幽之內廐鮮卑懼而夜遁凝以告磨磨曰是也國家將亡不可復振苻堅未當陽門震刺史梁熙問磨磨曰當有外國二王來朝一當返國一死此城歲餘而鄯善及前部王朝于苻堅西歸鄯善王死于姑臧呂光

之玉河西也將伐乞伏乾歸磨諫曰今太白未出不宜行師往必無功太史令賈曜以爲必有秦隴之地

及克金城光使曜詰磨磨謂光曰昨有流星東墜雖  
得此城憂在不守正月上旬河水將解若不早渡恐  
有大變後二日而敗問至光引軍渡河訖水泮時人  
服其神驗

明康永惠萬壽宮高士也遇異人授以雷法其術最秘  
歲早祈雨立應兼精於醫

張好問字希明其先高郵人始祖仁以醫事韓遂家  
平涼好問尤精祖業常不拘古方唯濬病源弗問貧  
富校業禮官爲良醫正診視神驗所著有張氏醫精  
甘肅通志

卷四十一 方伎 七

太素集時巢鑑由浙寓華亭爲隴西王侍醫又劉聰  
本府人皆能療治竒應擅名一時

張仙童安化人少從羅理凡繪畫人物皆稱神妙今  
興教寺有羅漢十八幅并寒山拾得之像儼然如生  
禁 神寧州人精呪法能禁瘡毒及蛇虫諸害每旦

持水向四方呪祝願十里之內人畜不罹瘡毒蛇虫  
之害積年漸加多至百里凡人求呪瘡毒隔山應氣  
而愈遠近以法師尊之後坐化人立廟祀之其廟中

土至今取而傳瘡亦有愈者

蔡嘉善字建陽武威人世傳醫業純以濟世爲心活人甚多沒後人立祠於三皇廟側以祀之

張 琦寧夏人精太素脉斷疾病生死踰二十年必驗

張 阜寧夏人精太素脉可生則藥不可生斷以時日百無一失窮通夭壽以脉推之亦無不驗所著有難經直解

吳 通寧夏人精脉經本草素問三書妙鍼法治病輒效時稱儒醫

甘肅通志 卷四十一 方伎 文

